

# Noda tabana ni bula kei na ituvatuva vei ira na vakaleqai na kedra ituvaki

## iTikotiko ena Pasifika

E dikevi ni o ira na veitikotiko era lewena na Pasifika e sega ni balavu sara na dede ni nodra bula ni vakatauvatani kei na so tale na ilawalawa duikaikai, e rawa tale ga nira bula mai na ituvaki era sotava. E sega ni veirauti na veika e vakayacora tiko na veiqaravi ena noda tabana ni bula me rawa kina nira qaravi vakatautauvata na kai Pasifika kei ira na vo ni kai Niusiladi.

### Na cava sa veisau tiko? Na cava na vuna?

E levu na veisau ena tabana ni bula ena lako vinaka qai yaga vei ira na kai Pasifika ena kena:

- vakabibitaki na kena vakavinakataka na lawa eso e vauci ira na Pasifika ena Minisitiri ni Bula me mua ina na dua na igolegole vou na ivakarau ni veiqaravi ena tabana ni bula ni Pasifika, qai vakadeitaka ni raica vakabibi na Tabana ni Bula e Niusiladi na nodra bula na kai Pasifika
- vakauqeti na rogoci ni nodra nanuma na lewenivanua mai na Pasifika, qai vakadeitaka ni na okati ena lawa ni matanitu na veika era gadreva kei na ka era vakabibitaka na kai Pasifika
- vakarautaki na veimataqali veiqaravi eso e vakabibitaki kina na nodra rai na Pasifika ena veika yaco tu e vuravura kei na nodra kauaitaki.

### Ena vakacava na kena irairai ena veigauna se bera mai?

Sa rawa nira moica na lewenivanua mai na Pasifika na sala e vakayacori kina na veiqaravi ena itikotiko se veivanua e voleka vei ira, ra qai vakadeitaka ni veika e vakayacori e rabailevu, vakaceguya na veika era gadreva, qai levu tale na veiqaravi e vakarautaki me ganita sara ga na veitikotiko ena Pasifika.

Ena yasana ni matanitu, na Minisitiri ni Bula kei na Tabacakacaka ni Bula e Niusiladi ena cakacaka vata kei ira na iliuliu ni Pasifika mera raica na veiqaravi uasivi duadua qai vakadeitaka ni na vakayagataki ena veivanua qai tara na veibasoga ni veiqaravi, ia me vakayagataki kina na vuku kei na veiliutaki vaka Pasifika. Na kena vakaliuci na veika ena vakavinakataka na nodra bula na kai Pasifika ena vakavinakataka vakatotolo na ivakarau ni veiqaravi e vakayacori kei na ituvaki ni bula.

## **Na cava ena caka tarava?**

Na nodra okati na itikotiko ni Pasifika e tiki tiko ni veika matailalai sa tuvanaki tu ena ituvatuva vou ni veiqaravi ni tabana ni bula, e wili tale tiko ga kina na sala ena rawa ni rogoci kina vakalevu na nodra nanuma na itikotiko ena Pasifika ena ivakarau ni veiqaravi e vakayacora na Tabacakacaka ni Bula kei na Minisitiri ni Bula.

## **Via kila eso tale na ka?**

Na ikuri ni ivakamacala me baleta na cakacaka kei na toso ni veisau eso ni tabana ni bula e rawa ni laurai ena website ni DPMC ena ruku ni cakacaka ni Tabana ni Veiveisau :

[www.dpmc.govt.nz/our-business-units/transition-unit](http://www.dpmc.govt.nz/our-business-units/transition-unit).